

MEMORIA XUSTIFICATIVA

Convenio de colaboración entre a Consellería de Educación, Ciencia, Universidades e Formación Profesional e a Universidade de Santiago de Compostela para o desenvolvemento do estudo piloto na Comunidade Autónoma de Galicia do proxecto AVATARES "Integración de avatares robóticos no sistema educativo para favorecer a inclusión do alumnado con enfermidades crónicas ou de longa duración".

A directora xeral de Ordenación e Innovación Educativa da Consellería de Educación, Ciencia, Universidades e Formación Profesional,

INFORMA:

Que esta Consellería de Educación, Ciencia, Universidades e Formación profesional ten previsto formalizar coa Universidade de Santiago de Compostela (USC) o instrumento convencional arriba referido cun período de vixencia de 10 meses, dende a data a súa sinatura.

Que o instrumento convencional ten por obxecto:

Establecer a colaboración entre a Consellería de Educación, Ciencia, Universidades e Formación Profesional, a través do Centro de Innovación Educativa e Dixital (CIEDix), dependente da Dirección Xeral de Ordenación e Innovación Educativa, e a USC, a través do grupo de investigación de Tecnoloxía Educativa (TECNOEDUC), para a implementación con carácter experimental da metodoloxía AVATARES en casos vinculados á Aula Hospitalaria do Complexo Hospitalario Universitario de Santiago de Compostela (CHUS).

Esta experiencia piloto:

- Consistirá na aplicación e avaliación da metodoloxía AVATARES, baseada no uso de robots de telepresenza, baixo a orientación e seguimento das investigadoras da USC, en colaboración co equipo do CIEDix implicado na mesma.
- Levarase a cabo con alumnado de educación primaria hospitalizado no CHUS e incorporado á súa Aula Hospitalaria, co obxectivo de manter e/ou restablecer o sentimento de pertenza co seu grupo de iguais do seu centro educativo de referencia.



Que existe converxencia de intereses entre as entidades asinantes en orde á consecución do obxecto referido.

Que o instrumento convencional que se pretende asinar se fundamenta no seguinte:

1. Que o Estatuto de Autonomía de Galicia, na redacción dada pola Lei Orgánica 1/1981, do 6 de abril, no seu artigo 31, atribúe á Comunidade Autónoma de Galicia a competencia plena para a regulación e administración do ensino en toda a súa extensión, niveis e graos, modalidades e especialidades. Ademais, mediante o Real Decreto 1763/1982, transfírense á Comunidade Autónoma de Galicia as funcións e servizos da Administración do Estado en materia de ensino non universitario.
2. Que, no ámbito da Administración autonómica de Galicia, a Consellería é o departamento que ten atribuídas, entre outras, as competencias e funcións en materia de fomento da colaboración e coordinación con outras entidades públicas e privadas para o desenvolvemento de plans e accións formativas e de investigación no ámbito educativo, incluídas aquelas accións destinadas ao seguimento de estudos realizados nos centros educativos públicos.
3. Que a Lei Orgánica 3/2020, do 29 de decembro, pola que se modifica a Lei Orgánica 2/2006, do 3 de maio, de Educación, contempla entre os seus principios a equidade, que garante a igualdade de oportunidades para o pleno desenvolvemento da personalidade a través da educación; a inclusión educativa; a igualdade de dereitos e oportunidades, tamén entre mulleres e homes, que contribúan a superar calquera discriminación; e a accesibilidade universal á educación como elemento compensador das desigualdades persoais, culturais, económicas e sociais, con especial atención ás que se deriven de calquera tipo de discapacidade, de acordo co establecido na Convención sobre os Dereitos das Persoas con Discapacidade, ratificada en 2008 por España.
4. Que a Consellería, no desenvolvemento dun modelo educativo inclusivo, equitativo e de calidade, ten como obxectivo promover actuacións dirixidas a garantir o acceso, a presenza e a participación de todo o alumnado, sexan cales sexan as súas características e condicións persoais, intentando compensar as dificultades de acceso e participación, sobre todo do alumnado máis vulnerable.
5. Que o Centro de Innovación Educativa e Dixital, dependente da Dirección Xeral de Ordenación e Innovación Educativa, de conformidade co establecido no Decreto 204/2022, do 24 de novembro, é o órgano encargado de identificar, diagnosticar e





obter conclusións sobre a realidade educativa, posibilitando a súa transformación a través da investigación, da innovación e da transferencia dos resultados dos proxectos de I+D+i e da integración das tecnoloxías que incidan na mellora da calidade educativa, sen prexuízo das competencias que, en materia de innovación no ámbito das tecnoloxías da información e da comunicación, poidan corresponder a entidades integrantes do sector público autonómico e sen prexuízo, asemade, das funcións do Centro Galego da Innovación da Formación Profesional.

6. Que a USC é unha entidade de Dereito Público que desenvolve actividades de Formación, Investigación e Desenvolvemento Científico e Tecnolóxico, interesada en colaborar cos sectores socioeconómicos e as institucións públicas para asegurar un dos fins da formación e da investigación, que é a valorización e a transferencia do coñecemento ao servizo da cultura.
7. Que o proxecto AVATARES, do grupo de investigación TECNOEDUC, ten como obxectivo avaliar o uso de sistemas de telepresenza —en particular de avatares robóticos— nos centros educativos, co fin de reforzar o sentimento de pertenza, evitar o illamento social e manter o vínculo escolar do alumnado con enfermidades crónicas ou ausencias prolongadas. A través desta proposta pedagóxica, o proxecto pretende reducir o illamento do alumnado que, por motivos de saúde, se ve obrigado a permanecer afastado do centro educativo, evitando así a perda da conexión emocional e social cos seus iguais.
8. Que a Consellería e a USC están dispostas a colaborar para o desenvolvemento dunha experiencia piloto do proxecto AVATARES nos termos establecidos neste convenio.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do convenio que se pretende, con exclusión doutras figuras.

E para que conste, asíñase esta memoria en Santiago de Compostela na data da sinatura dixital.

Judith Fernández Novoa
Directora Xeral de Ordenación e Innovación Educativa

